



Inatsisartuni ilaasortaq Jess Svane, Siumut  
/Maani

**Kiffartuussinissamut isumaqtigiissutit pillugit § 37 naapertorlugu  
apeqquteqaat nr. 2017-255-imut akissut**

08-12-2017  
Sags nr.: 2017 - 26641  
Dok. nr. 25651571

Asasara Jess Svane

Inatsisartut suleriaasianni § 37 naapertorlugu silaannakkut angallassinermi  
Kiffartuussinissamut isumaqtigiissutit pillugit Naalakkersuisunut apeqquteqaateqarputit.  
Apeqputit uannut akisassanngorlugu innersuunneqarpoq.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqput 1:**

**Kiffartuussinissamik isumaqtigiissuteqarfingineqarsimasup (Air Greenland-ip)  
taartumi angalaqqusaannginnej ilisimareersimaguniuk soq atuisunut  
siusissukkulli ilisimatitsissutigisimanngila?**

Akissut:

Aallaqqaammut § 37 naapertorlugu pineqartoq pillugu apeqquteqaammut nr. 2017-250-  
imut akissutiga innersuussutigissavara.

Taartumi timmisartuussisarnissamut Air Greenlandimut akuersissut nutaaq aatsaat  
2017-imi kingusissukkut tunniunneqarpoq, taamaattumillu siusinnerusukkut  
ilisimatitsisoqarsinnaasimanngilaq.

Siornatigut akissuteqaatinni allassimasutut angalanissanut pilersaarutit  
kiffartuussinissamut isumaqtigiissutinut naleqqiullutik annikitsuinnarmik  
allannguiffigineqartussaapput.

**Apeqput 2:**

**Atuisut aatsaat oqalliffsigut assigiinngitsutigut oqallislermata soq aatsaat  
ilisimatitsissutigineqarpa?**

Akissut:

Air Greenland decembarimi angalanissanut pilersaarutit annikitsumik  
iluarsivigineqassasut, ammalu sullitat bilitisereersimasut ullup ataatsip ingerlanerani  
apuunnissaminnik annasaqaartut angalanissamut pilersaarutitik, unnuisinnaaneq  
ilanngullugu akeqanngitsumik iluarsitissinnaagaat tusagassiorfitsigut  
nalunaaruteqarpoq. Air Greenlandip Angallannermut, Sanaartornermut Ineqarnermullu  
Aqutsisoqarfimmiit immikkut ittumik akuersissummik nutaamik pissarsinerata kingorna  
nalunaarut saqqummiunneqarpoq, tamatumalu kingorna angalanissanut pilersaarutini  
allanguutit Naalakkersuisunit akuersissutigineqarput. Saqqummiussineq oqalliffsigut  
oqallinnermut attuumassuteqanngilaq, naak angalanissanut pilersaarutit nutaat  
ajoraluartumik kingusissukkut saqqummiunneqarnerat isumaqtigisinnaagaluarlugu.

**Apeqqut 3:**

Nunatta avannarpasinnerusortaani taartumi angalaqqusaajunnaarnerup kingunereriaannaavaa angalaniartut ikileriarujussuarnerat. Taamaalippat soorunami kingunerissavaa kiffartuussassat ikilinerat. Tamanna pillugu kiffartuussinissamik isumaqatigiissuteqarfingisimasap aningaasartuutigineqartussatut aallaaviusimasut ililisinneqarsinnaanissaat ilimagineqarsinnaanerluni?

Akissut:

Tamanna pissanngilaq. Tassunga tunngatillugu § 37 naapertorlugu apeqquteqaat nr. 2017-250-imut akissutiga innersuussutigaara.

Kisiannili Air Greenland nalunaaruteqarpoq angalanissanut pilersaarutit suleriaatsillu assigiinngissuteqartut, aammalu immikkut ittumik akuersissut nutaaq malillugu timmisartuussineq misilerarneqareerpat aatsaat pissutsit tamakkiisumik paasineqarsinnaasut.

**Apeqqut 4:**

Silaannakkut angallannermi aqtsisoqarfimmiik Air Greenland A/S siusissukkut taartumi angalaqqusaajunnaarnermik ilisimatinneqarsimaguni aatsaallu atuisut tungaaniit oqallittoqalermat Air Greenland tusagassiuititigut akissuteqarluni pissusissamisoopa? Tamanna pisussamik ilisimannereerluni isertuussisimanertut taasariaqarpa?

Akissut:

Taamaanneraaaneq eqqunngilaq – Air Greenland sukkulluunniit ilisimasaminik isertuussisimanngilaq. Suliaq akuusut tamarmik akornanni oqallisigineqarsimavoq, aammalu ajornartorsiutaasup paasineqareernerani tusagassiorfitsigut nalunaarut saqqummiunneqarpoq.

**Apeqqut 5:**

Angallassinikkut ajornartorsiuteqalertussaalluni ilisimareerlugu atuisunut ilisimatitsisimannginnej kiffartuussinissamik isumaqatigiissuteqarsimaneq unioqqutinneqarsimasutut taaneqartariaqarpa ?

Akissut:

Suliaq manna imaluunniit Air Greenlandip pisumik isumaginninera maannarpiaq kiffartuussinissamut isumaqatigiissummik sumiginnaasimasinnaanermik isummernissamut tunngavissiinngilaq. Ilisimatitsissutigineqarsinnaavoq timmisartuussinissat pilersaarutaasut amerlassusaat attatiinnarneqarmat, ullunulli amerlanerusunut siammerterneqarlutik.

Neriuppunga qulaani allaqgasuni apeqqutitit akineqartut.

Inussiarnersumik inuullaqqusillunga



Erik Jensen

Ilanngussaq: § 37 naapertorlugu apeqquteqaat nr. 2017-250-imut akissut.



Inatsisartuni ilaasortaq Jess Svane, Siumut  
/Maani

**Kiffartuussinissamut isumaqatigiissutit pillugit § 37 naapertorlugu  
apeqquteqaat nr. 2017- 250-imut akissut**

08-12-2017  
Sags nr.: 2017 - 25965  
Dok. nr.25644146

Asasara Jess Svane

Postboks 909  
3900 Nuuk

Tlf.: (+299) 34 50 00

E-mail: [box909@nanoq.gl](mailto:box909@nanoq.gl)  
[www.naalakkersuisut.gl](http://www.naalakkersuisut.gl)

Inatsisartut suleriaasianni § 37 naapertorlugu silaannakkut angallassinermi  
kiffartuussinissamut isumaqatigiissutit pillugit Naalakkersuisunut apeqquteqaateqarputit.  
Apeqqutit uannut akisassanngorlugu innersuunneqarpoq.

**Apeqqut:**

**Kiffartuussinissamik isumaqatigiissuteqarluni angallassifiut amerlanersaat  
qulimiguulik Bell 212 atorlugu angallassiviusartut ukiuunerani kaperlattartumiittut  
tamakkiisumik kiffartuunneqarnissaat qulakkeerniarlugu iliuusissat suut  
Naalakkersuisuniik iliuuserineqarniarpat?**

**Akissut:**

Air Greenland aamma Angallannermut, Sanaartornermut Ineqarnermullu Aqutsisoqarfik  
ingerlatseqatigiiffiup qulimiguuliutai Bell 212-it kaperlattartumi timmisartuussisarerinut  
immikkut ittumik akuersissutit atuuttut pillugit oqaloqatigiissimapput. Air Greenland  
Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu  
Naalakkersuisoqarfimmut nalunaaruteqarpoq, Angallannermut, Sanaartornermut  
Ineqarnermullu Aqutsisoqarfik maanna immikkut ittumik akuersissummik  
tunniussisimalersoq. Tamanna tunngavigalugu Qaanaami, Upernavimmi, Uummannami  
eqqaannilu angallannermut pilersaarutit allanngortinneqarnerat Naalakkersuisut  
akueraat.

Angallannermut, Sanaartornermut Ineqarnermullu Aqutsisoqarfip Air Greenlandip  
qulimiguullit Bell 212-it atorlugit timmisartuussineranut piumasaqaatai  
sakkortusineqarput. Ilisimatinneqarpunga Air Greenland tamanna tunngavigalugu  
aaqqiissutissamik akuerisamik suliaqarsimasoq, oqartussaasut piumasaqaataat  
malillugu naammattumik qaamassusilimmi timmisartuussisarnissamut  
qulakkeeriffiusumik. Air Greenlandip aaqqiiniarnerani ilaatigut qaamanermik  
uuttuisarnermut tabelimik (LUS-tabel) atuutsitsisoqalissaq, taamaalillunilu piffissap  
ullup qaamaffigisaani sinaakkusiussat eqqornerujussuarmik aalajangerneqartalissapput.

Oqartussaasut piumasaqaataannut allannguutit aammalu piumasaqaatinut  
taakkununnga aaqqiissutissat taaneqartut taamaallaat silaannakkut angallassinermut  
oqartussaasut Air Greelandillu akornanni isumagineqarput. Tassalu suliami tassani  
Naalakkersuisut oqartussaasut piumasaqaatitut saqqummiussaannut teknikkikkullu

aaqqiissutissanut, oqartussaasut piumasaqaataannik naammassinninnissamut qulakkeeriffiusussanut sunniuteqarsinnaanngillat.

Ilaasut inuttallu timmisartuni isumannaallisaanermi qitiutinneqartariaqarnerat Naalakkersuisut suliamik suliaqarnerminni pingaartippaat, taamaattumillu teknikkimut piumasaqaatit teknikkikkullu aaqqiissutissat tusaatissatut tiguneqarput.

Air Greenlandimit ilisimatitsissutigineqarpoq, piumasaqaatit ilaasunut ikittuinnarnut allanguinernik annikinnerusunik kinguneqartussaasut, tassanilu Uummannaq eqqugaanerpaassasoq. Allannguutit decembarip qaammataani malugineqarnerpaassapput.

Matuma kinguliani Air Greenlandip decembarimi angallannermi sunniutissatut naatsorsuutigisaanut missiliukkat takussutissiorneqarput:

Qaanaaq eqqaalu:	decembarimi angallannernit 6 %-it naatsorsuutigineqarput
Uummannaq shuttle:	decembarimi angallannernit 19 %-it naatsorsuutigineqarput
Upernivik eqqaalu:	decembarimi angallannernit 5 %-it naatsorsuutigineqarput

Tamatuma saniatigut januaarimi angallannernut pilersaarutit iluarsineqarnissaat naatsorsuutigaara. Air Greenlandimit ilisimatitsissutigineqarpoq, ingerlatseqatigiiffiup 2018-imi sapaatit akunnerini siullerni ikittuaraannarnik allanguinissaq naatsorsuutigigaa.

Ilisimatitsissutigineqarsinnaavoq timmisartuussinissat pilersaarutaasut amerlassusaat attatiinnarneqarmat, ullunulli amerlanerusunut siammerneqarlutik.

Suliaq pillugu Air Greenlandip, Angallannermut, Sanaartornermut Ineqarnermullu Aqutsisoqarfiup aamma Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfiup akornanni pilersitsiviulluartumik aaqqiisoqarpoq, tassanilu angalasunut ikinnerpaamik kinguneqartitsinissaq anguniarneqarpoq.

Pisoq ajuusaarnartuuvvoq, tassami ilaasut ilaasa juulleriartornerani ullup ataatsip ingerlanerani apuussinnaanissartik annasussaavaat. Kisiannili erseqqissassallugu pingaaruteqarpoq, angalasut isumannaassusissaat tamanit salliutinneqarmat.

Neriuppunga qulaani allaqqasuni apeqqutit akineqartoq, ilisimatitsissutitulli ilanngunneqarpoq § 37 naapertorlugu apeqqut 255, matumanit sammisamut attuumassuteqarmat.

Inussiarnersumik inuulluaqqusillunga

Erik Jensen

Ilanngussaq: § 37 naapertorlugu apeqquteqaat nr. 2017-255-imut akissut.